

文殊藥王・觀音・彌勒等迹化他方之諸大士不堪於末世弘經云也。經云我娑婆世界自有六萬恆河沙等菩薩摩訶薩。一菩薩各有六萬恆河沙眷屬。是諸人等能於我滅後護持讀誦廣說此經。佛說是時娑婆世界三千大千國土地皆震裂而於其中有無量千萬億菩薩摩訶薩同時涌出。乃至是菩薩衆中有四導師。一名上行二名無邊行三名淨行四名安立行。於其衆中最爲上首唱導之師等云云。天台云是我弟子應弘我法云云。妙樂云子弘父法云云。道暹云付屬者此經唯付下方涌出菩薩。何故爾。由法是久成之法故付久成之人等云云。此等之大菩薩利益末法之衆生猶如魚練水鳥自在於天。濁惡之衆生遇此大士殖於佛種。例如水精之向月生水孔雀聞雷聲懷妊。天台云猶如百川應須潮海。緣牽應生亦復如是云云。慧日大聖尊以佛眼兼鑒之。故捨棄於諸大聖。召出此四聖傳於要法也。定於末法之弘通也。問曰要法經文如何。答曰以口傳傳之。釋尊然後爲正像二千年之衆生出自寶塔住立於虛空以右手摩文殊・觀音・梵帝・日月・四天等之頂。如是三反法華經之自要之外廣略二門竝前後一代一切經付屬此等大士。爲正像二千年之機。其後至於涅槃經會重說法華經竝前四味之諸經授與文殊等之諸大菩薩。此等招拾遺屬也。爰以於滅

①第26紙15行(會) ②妊=任(會) ③第27紙16行(會) 已下第二卷 ④衆=奇(會) ⑤〔外〕一(會)十(會) ⑥〔經〕一(會)十(會)